

四庫全書

子部

欽定四庫全書

冊府元龜卷七百三十八 宋王欽若等撰

陪臣部

為政 知禮

為政

自周室東遷諸侯為政咸保世以傳祚必得士而乃昌焉故其霸者之佐乘時間出為國以盡慮居位而不懈斟酌政典講求治道制禮俗之法定兵賦之度修職秩

之序搜遺滯之雋明刑賞之訓申做備之畧謹賓聘之儀翦寇盜之戾恤鰥窮之戚振威讓之令由是綱目咸舉而軌物以甄國以富強民斯嘉靖觀其總庶績之要治千乘之邦裁成物宜導揚官業彞倫克叙而不紊成憲遵行而可久非夫包兼濟之術極惟幾之慮者疇克以奮庸而垂裕哉

孔子為魯大司寇攝行相事與聞國政三月鬻羔豚者弗飾價男女行者別於塗塗不拾遺四方之客至於邑

者不求有司

有司常共其職
容求而有在也

皆予之以歸初魯有沈猶

氏旦飲羊飽之以欺市人公慎氏有妻而淫慎憤氏奢
侈驕佚魯市之鬻牛馬者善豫賈孔子將為魯司寇沈
猶氏不敢朝飲其羊公慎氏出其妻慎憤氏踰境而徒
魯之鬻牛馬不豫賈布正以待之也既為司寇季孟墮
郈費之城齊人歸所侵魯之地由積正之所致也

子服景伯魯大夫子服何也哀公三年五月辛卯司鐸

火

司鐸
官名

火踰公宮桓僖災

桓公僖
公廟

救火者皆曰顧府

言
常

人愛南宮敬叔至命周人出御書俟于宮敬叔孔子弟子南宮閱周

人司周書典籍之官御書進于君者也使其待命于宮曰庀女而不在死也庀具子

服景伯至命宰人出禮書宰人家以待命命不共有常

刑待求校人乘馬巾車脂轄校人掌馬巾車掌車乘馬使四四相從為四馬百

官官備府庫慎守官人肅給國有大災恐有變難故慎為備濟濡帷幕

鬱攸從之鬱攸火氣也濡物于水出用為濟蒙葺公屋以濡物冒覆公屋自太

廟始外內以悛悛次也先尊後卑以次救之助所不給有不用命則

有常刑無赦公父文伯至命校人駕乘車乘車公車季桓子

至御公立於象魏之外象魏門闕命救火者傷人則止財可為

也命藏象魏

周禮正月縣教令之法于象魏使萬民觀之故謂其書為象魏

曰舊章不

可亡也富父槐至曰無備而官辦者猶拾瀋也槐富父終生之

後瀋汁也言不備而責辦不可得

於是乎去表之橐

表表火道風所向者去其橐積道

還公宮

開除道周匝公宮使火無相通

趙盾晉大夫宣子也初晉使狐射姑將中軍代先趙盾且居

佐之

代趙衰也盾趙衰子

陽處父至自溫

往年聘衛過溫今始至

改蒐于董

易中軍

易以趙盾為帥射姑佐之河東汾陰縣有董亭

陽子成季之屬也

處父常為

趙衰屬大夫故黨於趙氏且謂趙盾能曰使能國之利也是

以上之宣子於是乎始為國政宣趙盾議制其典典常也正法

罪輕重當辟獄刑辟猶理也董逋逃董督也由質要由用也質要契券也治

舊洿治理洿穢本秩禮責賤不失其本續常職修廢官出淹滯拔賢能也既

成以授太傅陽子與太師賈佗使行諸晉國以為常法

隨會晉大夫范武子也會聘于周王饗之餽蒸會私於

原公曰吾聞王室之禮無毀折今此何禮也王曰子弗

聞乎親戚宴饗則有餽蒸武子遂不敢對而退歸乃講

聚三代之典禮於是乎修執秩以為晉法會將中軍且

為太傅於是晉國之盜逃奔於秦羊舌肸曰吾聞之禹

稱善人

稱舉也

不善人遠此之謂也夫詩曰戰戰兢兢如

臨深淵如履薄冰善人在位也

言善人居位則無不戒懼

善人在上

則國無幸民諺曰民之多幸國之不幸也是無善人之

謂也

魏絳晉大夫也初晉會諸侯伐鄭諸侯皆不欲戰乃許

成楚子伐鄭楚莊王夫人卒

共王母

王未能定鄭而歸晉

侯歸謀所以息民魏絳請施舍

施恩惠舍勞役

輸積聚以貸

輸盡

也自公以下苟有積者盡出之國無滯積

散在民

亦無困

人

不匱乏公無禁利

與民共

亦無貪民

禮讓行

祈以幣更

不用牲

賓以特牲

務崇省

器用不作

因仍舊

車服從給

足給事也

行之期

年國乃有節三駕而楚不能與爭

三駕三興師謂十年師于牛首十二年師

于向其秋觀兵于鄭東門自是鄭遂服

趙武晉大夫也代范匄為政令薄諸侯之幣而重其禮

以重禮待諸侯穆叔見之謂穆叔曰自今以往兵其少弭矣

弭止

也齊崔慶新得政將求善于諸侯武也知楚令尹

令尹屈建

若敬行其禮道之以文辭以靖諸侯兵可以弭初齊人

成邾之歲其夏齊烏餘以廩丘奔晉

烏餘齊大夫廩丘今東郡廩丘縣故

是城襲衛羊角取之

今廩丘縣所治羊角城是

遂襲魯高魚

高魚城在廩丘縣東

北有大雨自其實入

雨故水實開

介于其庫

入高魚庫而介其甲

以登

其城克而取之又取邑于宋於是范宣子卒

宣子范匄

諸侯

弗能治也及武為政乃卒治之武言于晉侯曰晉為盟

主諸侯或相侵也則討而使歸其地今烏餘之邑皆討

類也

言如此宜見討

類而貪之是無以為盟主也請歸之公曰

諾

叔向為晉太傅秦后子來仕其車千乘楚公子干來仕

其車五乘叔向實賦祿韓宣子問二公子之祿焉對曰

大國之卿一旅之田

公之孤四命五百人為旅為田五百頃

上大夫一卒

之田

上大夫一命百人為卒為田一百頃也

夫二公子者上大夫也皆一

卒可也宣子曰秦公子富若之何其均之也對曰夫爵

以建事祿以食爵德以賦之功庸以稱之若何其以富

賦祿也夫絳之富商韋藩木楗以過於朝

韋藩專蔽前後木楗木擔

惟其庸功少也而能金玉其車文錯其服能行諸侯之賄而無尋尺之祿無大績于民故也且秦楚匹也若之何其回於富也乃均其祿

樂喜宋大夫也初宋災樂喜為司城以為典政

樂喜子罕也為

正卿知將有火災素戒為備火之政使伯氏司里

伯氏宋大夫司里里宰也

火所未至

徹小屋塗大屋

大屋難徹就屋塗之

陳畚揭具綆缶

畚箕籠揭土舉綆汲索缶

汲備水器

盆器之屬

量輕重

計人力所任

蓄水潦積土塗廵丈城

繕守備

巡行也丈度也繕治也行度守備之處恐因災有亂

表火道

火起則從其所趨標表之

使華臣具正徒

華臣華元子為司徒正徒役徒也司徒之所主

令隧正納郊保

奔火所

隧正官也五縣為隧納聚郊野保守之民使隨火所起往救之

使華閱討右官

官庀其司

亦華元子代元為右師討治也庀具也使具其官屬

向戍討左亦如之

向戍左師

使樂造庀刑器亦如之

樂造司寇也刑器刑書也

使皇鄭命校

正出馬工正出車備甲兵庀武守

皇鄭皇父克石之後校正主馬工正主車

使各備其官

使西鉏吾庀府守

鉏吾太宰也府六官之典

令司宮巷伯倣

宮

司宮奄臣巷伯寺人皆掌宮內之事

二師令四卿正敬享

二師左右師也四卿大夫

享祝也。祝宗用馬于四墉祀盤庚于西門之外。祝大祝宗宗人墉城

也用馬祭于四城以榱火盤庚殷王宋之遠祖城積陰之氣故祀之凡天災有幣無牲用馬祀盤庚皆非禮

子皮鄭大夫也。子展卒，子皮即位。子皮代父為上卿於是鄭饑

而未及麥，民病。子皮以子展之命餼國人粟，戶一鍾。在喪

故以父命也六斛四斗曰鍾是以得鄭國之民，故罕氏常掌國政以

為上卿。宋司城子罕聞之，曰：鄰於善民之望也。民亦望君為善

宋亦饑，請於平公。出公粟以貸，使大夫皆貸。司城氏貸

而不書。施而不德為大夫之無者，貸宋無饑人。叔向聞之，曰：

鄭之罕宋之樂其後亡者也二者其皆得國乎

得掌國政

民

之歸也施而不德樂氏加焉其以宋升降乎

升降隨宋盛衰

國僑字子產為鄭大夫子產為政使都鄙有章

國都及邊鄙章

服尊卑各有分部

上下有服

公卿大夫服不相踰

田有封洫

封疆也洫溝也

廬井

有伍

廬舍也九夫為井使五家相保

大夫之忠儉者

謂卿大夫

從而與之泰

侈者因而斃之

因其有罪而斃陪之

從政一年與人誦之曰取我

衣冠而褚之

褚蓄也奢侈者畏法故蓄藏

取我田疇而伍之孰殺子

產吾其與之

並畔為疇

及三年又誦之曰我有子弟子產誨

之我有田疇子產殖之

殖生也

子產而死誰其嗣之

一曰子產

者鄭之列大夫也鄭昭公之時以所愛徐摯為相國亂上下不親父子不和大宮子期言之君以子產為相為相一年豎子不戲狎班白不提挈僮子不犁畔二年市不豫賈三年門不夜關道不拾遺四年田器不歸五年市士無尺籍喪期不令而治鄭二十六年而死丁壯號哭老人兒啼曰子產去我死乎民將安歸又曰子產相鄭內無國中之亂外無諸侯之患也

子產之從政也擇能而使之馮簡子

能斷大事子太叔美秀而文

其貌美其才秀

公孫揮能知四國

之為

知諸侯所欲為

而辨于其大夫之族姓班位貴賤能否而

又善為辭令裨謀能謀於野則獲

得所謀也

謀於邑則否

此才性之弊

鄭國將有諸侯之事子產乃問四國之為於子

羽且使多為辭令與裨謀乘以適野使謀可否而告馮

簡子使斷之事成乃授子太叔使行之以應對賓客是

以鮮有敗事北宮文子所謂有禮也

傳跡子產行事以明北宮文子之言

子產作丘賦

丘十六井當出馬一匹牛三頭今子產別賦其田如魯之田賦田賦在哀公十一年

國人謗之

謗毀也

曰其父喪于路

謂子國為尉氏所殺

已為蠆尾

謂子

產重賦毒害百姓

以令於國國將若之何子寬以告

子寬鄭大夫也

子

產曰何害苟利社稷死生以之也

以用也

且吾聞為善者不

改其度故能有濟也民不可逞度不可改度法也詩曰禮

義不愆何恤于人言逸詩也子產自以為權制濟國於禮義無愆吾不遷矣

遷移也鄭定公六年五月鄭火作子產辭晉公子公孫于

東門晉人新來未入故辭不使前也使司寇出新客新來聘者禁舊客勿出

于宮為其知國情不欲令去使子寬子上巡羣屏攝至於大宮子二

鄭大夫屏攝祭祀之位大宮鄭祖廟巡行宗廟不得使火及之也使公孫登徙大龜登開

卜大夫使祝史徙主禘于周廟告于先君禘廟主石函周廟厲王廟也有

火災故合羣主于祖廟易救護使府人庫人各徹其事徹備火也商成公徹

司宮

商成公鄭大夫司宮巷伯寺人之官

出舊宮人寘諸火所不及

舊宮人先

公宮司馬司寇列居火道

備非常也

行火所焮

焮庚

城下之

人伍列登城

為部伍登城備森也

明日使野司寇各保其徵

野司寇縣

士也火之明日四方乃聞災故戒保所徵役之人

郊人助祝史除于國北

為祭處于

國北者就大陰禳火

禳火于玄冥回祿

玄冥水神回祿火神

祈于四鄙

鄙城也城

積土陰氣所聚故祈祭之以禳火之餘災也

書焚室而寬其征與之財

征賦稅也

三日哭國不市

示憂戚不市

使行人告于諸侯七月子產為

火故大為社

為治也

祓禳于四方振除火災禮也

振棄也乃

簡兵大蒐將為蒐除

治兵于廟城內地迫故除廣之

子太叔之廟在道

南其寢在道北其庭小

庭蒐場也

過期三日

處小不得一時畢

使除

徒陳於道南廟北曰子產過女而命速除乃毀於而鄉

而女也毀女所向

子產朝

朝君

過而怒之

怒不毀

除者南毀子產及

衝使從者止之曰毀于北方

言子產仁不忍毀人廟

火之作也子

產授兵登陴子太叔曰晉無乃討乎

辭晉公子公孫而授兵似若叛晉

子產曰吾聞之小國忘守則危況有災乎國之不可小

有備故也子產有疾謂子太叔曰我死子必為政惟有

德者能以寬服民其次莫如猛夫火烈民望而畏之故

鮮死焉水懦弱民狎而翫之

狎輕也

則多死焉故寬難治

也疾數月而卒太叔為政不忍猛而寬鄭國多盜取人

于萑苻之澤

萑苻澤名於澤內劫人

太叔悔之曰吾蚤從夫子不

及此興徒兵以攻萑苻之盜盡殺之盜少止仲尼曰善

哉政寬則民慢慢則糾之以猛

糾猶攝也

猛則民殘殘則施

之以寬寬以濟猛猛以濟寬政是以和詩曰民亦勞止

汙可小康惠此中國以綏四方施之以寬也

詩大雅汙其也康綏

皆安也周厲王暴虐民勞于苛政
故詩人刺之欲其施之以寬也
母從詭隨詭人隨人無正心不

可以謹無良謹勅慎也式遏寇虐慘不畏明糾之以猛也用式

也遏止也慘曾也言為寇虐曾不
畏明法者亦當用猛政糾治之也
柔遠能邇以定我王

予之以和也柔安也邇近也遠者懷附又曰不競不綌

不剛不柔詩殷頌言湯政得中布政優優百祿是道優優

和也道聚也和之至也

管仲既任政相齊以區區之齊在海濱通貨積財富國
強兵與俗同好惡故其稱曰倉廩實而知禮節衣食足

而知榮辱上服度則六親固四維不張國乃滅亡

管子曰四

維一曰禮二曰義

三曰廉四曰恥

下令如流水之原令順民心故論卑

而易行俗之所欲因而予之俗之所否因而去之其為

政也善因禍而為福轉敗而為功貴輕重順權衡管子

卒齊國遵其政常彊于諸侯

薦掩為楚司馬

薦子馮之子

子木使庀賦

庀治

數甲兵

閱數

薦

掩書土田

書土地之所宜

度山林

度量山林之材以共國用

鳩數澤

鳩聚也聚成數

澤使民不得焚燎壞之欲以備田獵之處

辨京陵

辨別也絕高曰京大阜曰陵別之以為冢墓之地

曰

表淳鹵

淳鹵埆薄之地表異輕其賦稅

數疆潦

疆界有流潦者計數減其租入規偃豬

偃豬下濕之地規度其受水多少也

町原防

廣平曰原防隄也隄防間地不得方正如井田別為小頃

町牧隰臯

隰臯瓜岸下隰為芻牧之地

井衍沃

衍沃平美之地則如周禮制以為井田六

尺為步步百為畝百為夫九夫為井

量入修賦

量九土之所入而治理其賦稅賦車籍

馬

齒疏其毛色歲籍以備軍用

賦車兵

車兵甲士

徒兵

步兵卒

甲楯之數

使器楯有

常既成以授子木禮也

得治國之禮

孫叔敖為楚相施教導民上下和合世俗盛美政緩禁

止吏無姦邪盜賊不起秋冬則勸民山採春夏以水

乘多

水時而各得其所使民皆樂其生莊王以為幣輕更以出村竹

小為大百姓不便皆去其業市令言之相曰市亂民莫安其處次行不定相曰如此幾何頃乎市令曰三月頃相曰罷吾今令之復矣後五日朝相言之王曰前日更幣以為輕今市令來言曰市亂民莫安其處次行之不定臣請遂令復如故王許之下令三日而市復如故楚民俗好庫車王以為庫車不便馬後下令使高之相曰令數下民不知所好不可王必欲高車臣請教閭里使

高其柶乘車者皆君子君子不能數下車王許之居半

歲民悉自高其車此不教而民從其化近者視而效之

遠者四面望而法之莊王十五年叔敖城沂沂楚邑使封

人慮事封人其時主築城者慮事先慮計功以授司徒司徒掌役量功命日命作

日分財用財用築作之具平版榦榦榦也稱畚築稱量輕重畚盛土器程土

物為作議遠邇均勞畧基趾趾城足畧行也具餼糧餼乾食也度有

司謀監事三旬而成十日為旬不愆于素不過素所慮之期也言叔敖之能使

也民

吳起相楚悼王明法審令捐不急之官廢公族踈遠者以撫養戰鬪之士要在強兵破馳說之言從橫者於是南平百越北并陳蔡却三晉西伐秦

申不害為韓昭侯相內修政教外應諸侯十五年終申子之身國治兵強無侵韓者

衛鞅為秦左庶長定變法之令令民為什伍而相牧司連坐不告姦者腰斬告姦者與斬敵首同賞匿姦者與降敵同罰民有二男以上不分異者陪其賦有軍功者

各以率音律受上爵為私鬪者各以輕重被刑大小僇力

本業耕織致粟帛多者復其身事末利及怠而貪者舉以為牧孥宗室非有軍功論不得為屬籍明尊卑爵秩等級各以差次名田宅臣妾衣服以家次有功者顯榮無功者雖富無所芬華令既具未布恐民之不信已乃立三丈之木於國都市南門募民有能徙置北門者予十金邑民怪之莫敢徙復曰能徙者予五十金有一人徙之輒予五十金以明不欺卒下令行於民期年秦

國之民都言初令之不便者以千數於是太子犯法衛鞅曰法之不行自上犯之將法太子太子君嗣也不可施刑刑其傅公子虔黥其師公孫賈明日秦人皆趨令行之十年秦民大悅道不拾遺山無盜賊家給人足民勇于公戰怯于私鬪鄉邑大治秦民初言令不便者有來言令便者鞅曰此皆亂化之民也盡遷之於邊城其後民莫敢議令於是以鞅為大良造居三年作為築冀鬪宮庭於咸陽秦自雍徙都之而令民父子兄弟同室

內息者為禁而集小都鄉邑聚為縣置令丞凡三十一縣為田開阡陌封疆而賦稅平平斗桶音勇今權衡丈之斛也尺行之四年公子虔復犯約劓之居五年秦人富彊天子致胙于孝公諸侯畢賀

知禮

禮者國之幹也身之文也於人之若麴蘖在治之由粉澤降自中古下逮列國承商因之制增周監之文故有家陪之臣禮義是習辨尊卑之序達升降之節別會盟

之等詳贈勞之規或辭享於王朝徹加於鄰國避湛露之賦歸宰旅之司致三肅以惟恭薦六儀而靡忒宜乎寵以文路賜之州田享昌阜之祥加好貨之數傳曰忠信之人可以學禮其斯之謂歟

韓厥為晉大夫晉卻克與齊侯戰于鞍魯成公二年齊師敗

績韓厥從齊侯及之執繫馬前繫馬絆也執之示修臣僕之職再拜稽

首奉觴加璧以進進觴璧亦以示敬曰寡君使羣臣為魯衛請

曰無令輿師陷入君地本但為二國救請不意乃過入君地謙辭下臣不幸

屬當戎行無所逃隱

適屬

且懼奔辟而忝兩君臣辱戎士

若奔避則為辱晉君并為齊侯羞故言二君此蓋韓厥自處臣僕謙敬之飾言

敢告不敏攝官

承乏

言欲以己不敏攝承空乏從君俱還

齊侯以逢丑父故獲免

丑父齊臣與公

易位故韓厥獲丑父也

其後晉侯享齊侯

魯成公二年

齊侯視韓厥韓

厥曰君知厥也乎齊侯曰服改矣

戎朝異服也言服改明識其人

韓厥

登舉爵曰臣之不敢愛死為兩君之在此堂也

卻至為晉大夫鄆陵之戰

魯成公十六年

卻至以韎韋之跗注

三遇王卒

賈逵云一染曰韎鄭司農說以為韎茅蒐染也韎齊也韋昭謂茅蒐今絳草也急疾呼茅

蒐成韎也凡染一入為緹跗注
兵服也自腰以下注于跗也

見王必下奔

下下車奔走

退

戰王使工尹襄問之以弓

工尹楚官襄名問遣也

曰方事之殷也

事戎事殷中也

有韎韋之跗注君子也屬見不殺而下無乃傷

乎屬適傷恐其傷

郤至甲冑而見客免冑而聽命

免脫也脫冑為障耳

曰

君之外臣至以寡君之靈間蒙甲冑

蒙被也被介在甲冑之間

不敢

當拜君命之辱為使者故敢三肅之

禮軍事肅拜肅拜者下手至地也

君子曰勇以知禮

禮軍禮也

韓宣子為晉大夫聘于周

魯襄公二十六年

王使請事

問何事來聘

對曰晉士起將歸時事于宰旅無他事矣

起宣子名禮諸侯大夫入

天子國稱士時事四時貢職宰旅冢宰之士言獻職貢於宰旅不敢斥尊

王聞之曰韓氏其

昌阜於晉乎辭不失舊

阜大也傳言周衰諸侯莫能如禮惟韓起不失舊

趙文子為晉大夫楚屈建卒

魯哀公二十八年

趙文子喪之如

同盟禮也

宋之盟有衷甲之隙不以此廢好故曰禮

公孫段為鄭大夫鄭伯如晉

魯昭公三年

公孫段相甚敬而

卑禮無違者晉侯嘉焉授之以策

策賜命之書

曰子豐有勞

於晉國

子豐段之父

余聞而弗忘賜女州田

州縣今屬河內郡

以胙

乃舊勳伯石再拜稽首受策以出君子曰禮其人之急

也乎伯石之汰也

伯石段字汰驕也

一為禮於晉猶荷其祿况

以禮終始乎詩曰人而無禮胡不遄死其是之謂乎

女叔齊為晉大夫魯昭公如晉

五年

自郊勞至於贈賄無

失禮晉侯謂女叔齊曰魯侯不亦善於禮乎對曰魯侯

焉知禮公曰何為自郊勞至於贈賄禮無違者何故不

知對曰是儀也不可謂禮禮所以守其國行其政令無

失其民者也今政令在家不能取也有子家羈弗能用

也奸大國之盟陵虐小國利人之難不知其私公室四

分民食于他思莫在公不圖其終為國君難將及身不

恤其所禮之本末將於此乎在而屑屑焉習儀以亟言

習儀為急言善于禮不亦遠乎君子謂叔齊於是知禮

趙孟為晉大夫越圍吳魯哀公二十年趙孟降於喪食趙孟襄子無恤

也時有父簡子之喪楚隆曰三年之喪親暱之極也主又降之無

乃有故乎楚隆襄子家臣趙孟曰黃池之役先主與吳王有質

先主簡子曰好惡同之今越圍吳嗣子不廢舊業而敵質盟信也

之嗣子襄子自謂欲敵越救吳非晉之所能及也吾是以為降楚隆

曰若使吳王知之若何趙孟曰可乎隆曰請嘗之嘗試之也

乃往先造乎越軍曰吳犯間上國多矣聞君親討焉諸

夏之人莫不欣喜惟恐君志之不從請入視之許之告

于吳王曰寡君之老無恤使陪臣隆敢展謝其不共陳

也黃池之役君之先臣志父得承齊盟曰好惡同之今

君在難無恤不敢憚勞非晉國之所能及也使陪臣敢

展布之王拜稽首曰寡人不佞不能事越以為大夫憂

拜命之辱與之一簞珠

簞小筭

使問趙孟

問遺也

曰句踐將

生憂寡人寡人死之不得矣

皇武子為鄭卿宋成公如楚還入於鄭

魯僖公二十四年

鄭伯

將享之問禮於皇武子對曰宋先代之後也於周為客

天子有事膳焉

有事祭宗廟也膳祭向尊之故賜以祭胙

有喪拜焉

宋弔周喪王特

拜謝之

豐厚可也鄭伯從之享宋公有加禮也

子產為鄭大夫鄭簡公卒

魯昭公十二年

將為葬除

除葬道

及游

氏之廟

游氏子太叔族

將毀焉子太叔使其除徒執用以立而

無庸毀

用毀廟具

曰子產過女而問何故不毀乃曰不忍廟

也諾將毀矣

教毀廟者之辭

既如是子產乃使辟之司墓之室

有當道者

簡公別營葬地不在鄭先公舊墓故道有臨時違直也司墓之室鄭之掌公墓大夫徒屬

家毀之則朝而瑯

瑯下棺

弗毀則日中而瑯子太叔請毀

之曰無若諸侯之賓何

不欲以留賓

子產曰諸侯之賓能來會

吾喪豈憚日中無損於賓而民不害何故不為遂弗毀日

中而葬君子謂子產於是乎知禮禮無毀人以自成也是

歲晉侯享諸侯子產相鄭伯辭於享請免喪而後聽命

簡公

未晉人許之禮也

善晉不奪
孝子之情

季孫宿為魯大夫如晉

魯昭公六年

拜莒田也

謝前年受牟
莒邑不見討

晉侯享之有加籩

籩豆之數
多于常禮

武子退使行人告曰小國

之事大國也苟免於討不敢求貺

貺賜也

得貺不過三獻

常禮大夫三獻

今豆有如下臣弗堪無乃戾也

懼以不堪為罪

宣子曰

寡君以為驩也

以加禮致驩

對曰寡君猶未敢

未敢當此加也

况下

臣君之隸也敢聞加貺固請徹加而後卒事晉人以為

知禮重其好貨

宴好之貨

叔孫武叔為魯大夫從哀公會吳子伐齊魯哀公十一年將戰

吳子呼叔孫

叔孫武叔州仇也

曰而事何也

問其何職

對曰從司馬

從吳司馬所命王賜之甲劍鉞曰奉爾君事敬無廢命叔孫未

能對衛賜進

賜子貢孔子弟子也

曰州仇奉甲從君而拜

拜受之

縣子為魯大夫陳莊子死赴於魯魯人欲勿哭君無哭鄰國大

夫之禮陳莊子齊大夫陳常之孫名伯繆公召縣子而問焉縣子曰古之

大夫束修之問不出竟欲哭之安得而哭之以其不外交今

之大夫交政于中國雖欲弗哭焉得而勿哭言時君弱臣強政在

大夫專盟會以交接

且臣聞之哭有二道有愛而哭之有畏而哭

之以權激勸之

公曰然然則如之何而可縣子曰請哭諸異

姓之廟

明不當哭

於是與哭諸縣氏

甯武子為衛大夫聘於魯

魯文公四年

公與之宴為賦湛露

及彤弓

非禮之常公特命樂人以示意故言為賦湛露彤弓詩小雅

不辭又不答賦

使行人私焉

私問之

對曰臣以為肄業及之也

肄習也魯人失所賦

甯武子佯不知此其愚不可及

昔諸侯朝正於王

朝而受政教也

王宴樂之於

是乎賦湛露則天子當陽諸侯用命也

湛露曰湛湛露斯匪陽不晞晞

乾也言露見日而乾猶諸侯稟命天子而行諸侯敵王所愾而獻其功敵猶當也

愾恨也王於是乎賜之彤弓一彤矢百旅弓矢千以覺報

宴覺明也謂諸侯有四夷之功王賜之弓矢又為歌彤弓以明報功宴樂今陪臣來繼舊

好方論天子之樂故自稱陪臣君辱貺之其敢干大禮以自取戾戾罪也

合左師為宋大夫楚子合諸侯于申魯昭公四年使問禮於

左師與鄭子產左師曰小國習之大國用之敢不薦聞

言所聞謙言所未行獻公合諸侯之禮六其禮六儀也宗子產曰

小國共職敢不薦守獻伯子男會公之禮六

鄭伯爵故稱伯子男

會公之禮其禮同所從言之異君子謂合左師善守先代子產善相小

國

管仲為齊大夫齊侯使管仲平戎於王

魯僖公十二年平戎也

王

以上卿之禮享管仲管仲辭曰臣賤有司也有天子之

二守國高在

國子高子天子所命為齊守臣皆上卿也莊公二十二年高僖始見經僖公二十八

年國歸父乃見傳歸父之父曰懿仲高僖之子曰莊子不知當今誰世若節春秋來承王

命何以禮焉

節時也

陪臣敢辭

諸侯之臣曰陪臣

王曰舅氏

伯舅之使

故曰舅氏余嘉乃勲應乃懿德謂督不忘往踐乃職無逆朕

命功勲美德可謂正而不可忘者不言位而言管仲受

下卿之禮而還管仲不致以職自君子曰管仲之世祀

也宜哉讓不忘其上詩曰愷悌君子神所勞矣

國莊子為齊大夫聘于魯魯莊公三十三年自郊勞至於贈賄

禮成而加之以敏迎來曰郊勞送去曰贈賄敏審當于事也

穆叔為魯大夫齊人城邾穆叔如周魯襄公二十四年聘且賀

城王嘉其有禮也賜之大路大路天子所乘車之總名

商陽為楚工尹與陳棄疾追吳師及之

工尹楚官名棄疾楚公子棄疾

也陳棄疾謂工尹商陽曰王事也子手弓而可手弓子

射諸

商陽仁不忍傷人以王事勸之

射之斃死韋弓

不忍復射斃死人死也韋韜也

又

及謂之又斃二人每斃一人掩其目

掩其目不忍視之

止其御

曰朝不坐燕不與殺三人亦足以反命矣

朝燕於寢大夫坐于上士

立于下然則商陽與御者皆士也兵車參乘射者在左戈楯在右御在中央

孔子曰殺人之

中又有禮焉

善之

冊府元龜卷七百三十八

欽定四庫全書

冊府元龜卷七百三十九

宋王欽若等撰

陪臣部

忠義

夫珪璋之德投烈火而辨松栢之姿涉歲寒而顯忠臣之志因危難而覩義士之操遇顛沛而彰當夫周道衰微諸侯立政既有內患且多外虞苟或失人何以為國乃有叅家陪之列當難阨之會秉大節仗明誠不以利

回不以威奪臨鈇鉞而靡懼隳肝膽而無悔或身殉於社稷或功濟於邦家雖成敗有殊而蹈死無異故可書之竹帛賁其封樹聳觀於千載伸勸於多士焉

徒人費齊人也齊襄公以魯桓十八年殺公子彭生魯莊公八年齊連稱管至父謀作亂冬齊侯游于姑蘇遂

田于貝丘

姑蘇貝丘皆齊地田獵也樂安博昌縣南有地名貝丘

見大豕從者曰

公子彭生也

公見大豕從者見是彭生皆妖鬼

公怒曰彭生敢見射之

豕人立而啼公懼隊于車傷足喪屨反誅屨于徒人費

誅責也。弗得鞭之見血走出遇賊于門劫而束之費曰我

奚禦哉袒而示之背信之費請先入詐欲助賊伏公而出鬪

死於門中石之紛如死於堦下石之紛如齊小臣亦鬪死賊入殺孟

陽於牀孟陽亦小臣代公居牀

仇牧宋大夫也魯莊公十二年宋長萬搏閔公絕其脰
牧聞難而至遇萬於門手劍而叱之萬臂擬仇牧而殺
之齒著乎門闥

鬻拳楚大閹也魯莊公十九年春巴人伐楚楚子禦之

大敗于津

禦巴人為巴人所敗津楚地或曰江陵縣有津鄉

還鬻拳弗納遂伐

黃

黃廡姓國今弋陽縣

敗黃師于踏陵

踏陵黃地

還及湫有疾

南郡都縣東南

有湫城

夏六月卒鬻拳葬諸夕室

夕室地名

亦自殺也而葬于

經皇

經皇家前闕生守門故死不失職

初鬻拳彊諫楚子楚子不從臨

之以兵懼而從之鬻拳曰吾懼君以兵罪莫大焉遂自

刖也楚人以為大閹謂之大伯

若今城門校尉官

使其後掌之

使其子孫掌主此官

君子曰鬻拳可謂愛君矣諫以自納于刑刑

猶不忘納君子于善

言愛君明非法也楚文王能盡其忠愛所以興也

季友魯公子也魯莊公三十二年公疾問後於叔牙對

曰慶父材

蓋欲進其同母兄

問於季友對曰臣以死奉般

季友莊公

母弟故飲立般

公曰鄉者牙曰慶父材成季使以君命命僖叔

待于鍼巫氏

成季季友也鍼巫氏魯大夫

使鍼季醜之

醜鳥名其羽有毒以畫酒

飲之則死

曰飲此則有後於魯國不然死且無後飲之歸及

達泉而卒立叔孫氏

達泉魯地不以罪誅故得立後世其祿

八月癸亥公

薨于路寢子般即位

鬪穀於菟為令尹申公鬪般殺子元

申楚縣也

令尹自毀其

家以紓楚國之難

弘演

一作寅

衛懿公之臣也受命而使未及反魯閔公二

年翟人攻衛於是懿公欲興師迎之其民皆曰君之所

與祿位者鶴也所富者宮人也不若亦使鶴與宮人戰

余安能戰

左傳曰狄伐衛懿公好鶴鶴有乘軒者將戰國人受甲者皆曰使鶴鶴實有祿位余焉能

戰遂潰而皆去翟人至追及懿公于熒澤殺之盡食其

肉獨舍其肝弘演至報使於肝辭畢呼天而號盡哀而

止曰若臣者獨死可耳於是遂自剗出腹實納懿公之

肝乃死齊桓公聞之曰衛之亡也以無道也今有臣若

此不可不存於是復立衛于楚丘

如弘演可謂忠士矣
殺身以徇其君非徒

徇其君又令衛之宗廟復立
祭祀不絕可謂有大功者矣

荀息晉大夫也魯僖公九年九月晉獻公卒里克丕鄭

欲納文公故以三公子之徒作亂

丕鄭晉大夫三公
子申生重耳夷吾初

獻公使荀息傅奚齊公疾召之曰以是藐諸孤

言其幼
賤與諸

子縣

藐辱在大夫其若之何

欲屈辱荀息
使保護之

荀息稽首而對

曰臣竭其股肱之力加之以忠貞其濟君之靈也不濟

則以死繼之公曰何謂忠貞對曰公家之利知無不為

忠也送往事居偶俱無猜貞也

往死者居生者偶兩也
送死事生兩無猜疑所

謂正也及里克將殺奚齊先告荀息曰三怨將作三公子之徒

秦晉輔之子將何如荀息曰將死之里克曰無益也荀

叔曰吾與先君言矣不可以貳能欲復言而愛身乎荀

荀息也復言言可復也雖無益也將焉辟之且人之欲善誰不如

我我欲無貳而能謂人已乎言不能止里克使勿忠于申生等冬十月

里克殺奚齊于次次喪荀息將死之人曰不如立卓子

而輔之荀息立公子卓以葬十一月里克殺公子卓于朝荀息死之君子曰詩所謂白圭之玷尚可磨也斯言之玷不可為也荀息有焉

叔詹鄭大夫也晉公子重耳過曹曹共公不禮焉聞其

駢脅欲觀其狀止其舍謀其將浴設微薄而觀之未候微蔽

薄迫也公子過鄭鄭文公亦不禮焉叔詹諫弗聽請殺之

弗聽公子反國是為文公文公誅觀狀以伐鄭鄭人以

名實行成公不許曰與我詹而師還詹叔詹伯也詹請往鄭

伯不許詹固請曰一臣可以救百姓而定社稷君何愛

于臣也鄭人以詹與晉人晉人將烹之詹曰臣欲盡辭

而死公聽其辭詹曰天降鄭禍使淫觀狀棄禮違命淫放

也放曹國不禮於君臣曰不可夫晉公子賢明若使復國而得志

於諸侯禍不赦矣今禍及矣尊明勝患智也明謂公子勝猶過也

殺身贖國忠也乃就烹據鼎耳而疾號曰自今以往知

忠以事君者與詹同命乃不殺厚為之禮而歸之鄭人

以詹伯為將軍

侯孺曹伯之豎

豎掌通內外者

魯僖公二十八年晉執曹伯晉

侯有疾

晉侯文公也

侯孺貨筮史

史晉史

使曰以曹為解

以滅曹為

解齊桓公為會而封異姓

封邢

今君為會而滅同姓曹

叔振鐸文之昭也

叔振鐸曹始封之君文王之子

先君唐叔武之穆也

且合諸侯而滅兄弟非禮也與衛偕命

私許復曹衛

而不與

偕復非信也同罪異罰非刑也

衛已復故

禮以行義信以守

禮刑以正邪舍此三者君將若之何公說復曹伯

甯俞衛大夫也初衛侯與元咺訟甯武子為輔鍼莊子

為坐士榮為大士

大士治獄官也周禮命夫命婦不躬坐獄訟元咺又不宜與其君對坐故

使鍼莊子為主又使衛之忠臣及其獄官質正元咺傳曰王叔之宰與伯輿之大夫坐獄于王庭各不身親蓋

今長吏有罪先驗吏卒之義

衛侯不勝

三子辭屈

殺士榮則鍼莊子謂甯

俞忠而免之執衛侯歸之於京師寘諸深室

深室別寘為囚室

子職納橐餽焉

寘俞以君在幽隘故親以衣食為已任橐衣之橐餽糜也言其忠志所慮者深

也魯僖公三十年晉侯使醫行酖衛侯

行醫名晉侯實怨衛侯欲殺而

罪不及死故使醫因治疾而加酖毒

俞貨醫使薄其酖衛侯不死

俞視衛侯衣食

故得知之

弦高鄭商人也魯僖公三十三年春秦使孟明西乞白

乙侵鄭及滑弦高將市於周遇之以乘韋先牛十二犒

師

商行賈也乘四韋先韋乃入牛古者將獻遺于人必有以先之

曰寡君聞吾子將步

師出于敝邑敢犒從者不腆敝邑為從者之淹居則具

一日之積

腆厚也淹久也積芻米菜薪

行則備一夕之衛且使遽告

于鄭

若敖克黃

今尹子文之孫

為楚箴尹魯宣公四年楚子文卒子

越將攻王戰于臯澣遂滅若敖氏克黃使於齊還及宋

聞亂其人曰不可以入矣箴尹曰棄君之命獨誰受之君天也天可逃乎遂歸復命而自拘于司敗王思子文之治楚國也曰子文無後何以勸善使復其所改命曰

生

易其名也

解揚晉大夫魯宣公十五年楚圍宋宋人告急于晉晉使解揚如宋使無降曰晉師悉起將至矣鄭人囚而獻諸楚楚子厚賂之使反其言反言晉不救不許三而許之登諸樓車使呼宋人而告之遂致其君命楚子將殺之使

與之言曰爾既許不殺而反之何故非我無信女則棄之速即爾刑對曰臣聞之君能制命為義臣能成命為

信信載義而行之為利謀不失利以衛社稷民之主也

義無二信

欲為義者不行兩言

信無二命

欲行信者不受二命

君之賂臣不

知命也受命以出有死無隕

隕廢墜也

又可賂乎臣之許君

以成命也死而成命臣之福也寡君有信臣下臣獲考

考成也死又何求楚子舍之以歸

逢丑父為齊頃公車右魯成公二年六月齊侯與晉師

戰于鞞齊師敗績逢丑父與公易位居公位將及華泉駮

絙於木而止

駮馬維也

韓厥執紼馬前

韓厥晉中軍司馬紼馬絆也執之示修臣

僕之禮

再拜稽首奉觴加璧以進曰寡君使羣臣為魯衛

請曰無令輿師陷入君地下臣不幸屬當戎行無所逃

隱且懼奔辟而忝兩君臣辱戎士敢告不敏攝官承乏

丑父使公下如華泉取飲鄭周父御佐車宛拔為右載

齊侯以免

佐車副車

韓厥獻丑父郤獻子將戮之呼曰自今

無有代其君任患者有一於此將為戮乎郤子曰人不

難以死免其君我戮之不祥赦之以勸事君者乃免之

齊侯免求丑父三入三出

重其代已故三入晉軍求之

子叔聲伯魯大夫也成公十六年秋公會諸侯於沙隨

初宣伯

叔孫僑如

通於穆姜

穆姜成公之母

欲去季孟而取其室

季文

子孟獻子

將行穆姜送公而使逐二子公以晉難告

會晉伐鄭曰

請反而聽命姜怒公子偃公孫鉏趨過

二公子公庶弟

指之曰

女不可是皆君也

言欲廢公更立君

公待於壞墮申宮做備

申勃

宮設守而後行七月公會尹武公及諸侯伐鄭將行姜

又命公如初

復欲使公逐季孟

公又申守而行諸侯之師次于

鄭西我師次于督揚不敢過鄭

督揚鄭東地

子叔聲伯使叔

孫豹請逆於晉師

豹叔孫僑如弟也僑如於是遂作亂豹因奔齊

為食於鄭郊

師逆以至

聲伯戒叔孫以必須所逆晉師至乃食

聲伯四日不食以待之

食使者

使者豹之介

而後食

言其忠也

宣伯使告郤犇曰魯之有

季孟猶晉之有欒范也政令於是乎成今其謀曰晉政

多門不可從也

政不由君

寧事齊楚有亡而已蔑從晉矣

蔑無

也若欲得志於魯請止行父而殺之

行父季文子也

我斃蔑也

莒孟獻子也時留守公官而事晉莒有二矣魯不二小國必睦不然

歸必叛矣九月晉侯執季文子於荅丘公還待於鄆鄆魯

西邑東郡廩丘縣東有鄆城使子叔聲伯請季孫於晉卻讐曰苟去

仲孫莒而止季孫行父吾與子國親於公室親魯甚于晉公室

對曰僑如之情子必聞之矣聞其淫應之情若去莒與行父是

大棄魯國而罪寡君也若猶不棄而惠徼周公之福使

寡君得事晉君則夫二人者魯國社稷之臣也若朝亡

之魯必夕亡以魯之密邇仇讎仇讎謂齊楚也亡而為讎治之

何及

言魯屬齊楚則還為晉讎

卻犇曰吾為子請邑對曰嬰齊魯之

常隸也

隸賤官

敢介大國以求厚焉

介由也

承寡君之命以

請也

承奉也

若得所請吾子之賜多矣又何求范文子謂欒

武子曰季孫於魯相二君矣

二君宣成

妾不衣帛馬不食粟

可不謂忠乎信讒慝而棄忠良若諸侯何子叔嬰齊奉

君命無私

不受卻犇請邑

謀國家不二

謂四日不食以堅事晉

圖其身不

忘其君

辭邑不食皆先君而後身

若虛其請是棄善人也子其圖之

乃許魯平赦季孫

韓厥晉大夫韓獻子也魯成公十七年晉厲公既殺三
卻欒武子中行獻子圍公於匡麗氏乃召獻子獻子辭
曰殺君以求威非吾所能為也威行為不仁事廢為不
智享一利亦得一惡非所務也昔者吾畜於趙氏孟姬
之讒吾能違兵古人有言曰殺老牛莫之敢尸而况君
乎二三子不能事君安用厥也中行偃欲伐之欒書曰
不可其身果而辭順順無不行果無不徹犯順不祥伐
果不克乃止

子駟鄭大夫也魯襄公二年鄭成公疾子駟請息肩於

晉

欲避楚役以負擔喻

公曰楚君以鄭故親集矢於目

謂鄢陵之戰晉人射

楚王非異人任寡人也

言楚子任此患不為他人蓋在已

若背之是棄

力與言其誰暱我

言盟誓之言也

免寡人惟二三子秋七月庚

辰鄭伯棼卒於是子罕當國

攝國事

子駟為政

為政

子國

為司馬晉師侵鄭

晉伐喪非禮也

諸大夫欲從晉子駟曰官命

未改

成公未葬嗣君未免喪故言未改不欲違先君意

公子貞字子囊楚令尹也魯襄公十四年子囊還自伐

吳卒將死遺言謂子庚必城郢

楚都郢未有城郭公子燮公子儀因築城為亂

事未得訖子囊欲訖而未暇故遺言見意

君子謂子囊忠君薨不忘增其名

謂諡君為共

將死不忘衛社稷可不謂忠乎

一云荆人與吳人將戰荆師寡

吳師衆荆將軍子囊曰我與吳人戰必敗若敗王師辱王名虧壤土忠臣不忍為也不復于王而遁至于郊使人復於王曰臣請死王曰將軍之遁也以其為利今誠利將軍何死子囊曰遁者無罪則後世之為主將者皆依不利之名而赦臣遁若是則荆國終為天下笑遂伏劍而死王曰請成將軍義乃為之桐棺三寸加斧鑕其

上可

賈獲陳大夫魯襄公二十五年鄭伐陳陳侯扶其太子

偃師奔墓遇賈獲載其母妻下之而授公車公曰舍而

母辭曰不祥

雖急猶不欲男女無別

與其妻扶其母以奔墓亦免

祝佗父齊大夫魯襄公二十五年五月崔杼弑莊公佗

父祭於高唐

高唐有齊別廟

至復命不脫弁而死于崔氏

爵弁祭服

申蒯齊侍漁者

侍漁監取魚之官

崔杼之亂蒯退謂其宰曰爾

以孥免

孥宰之妻子

我將死其宰曰免是反子之義也

反死君之

義與之偕死

一曰申蒯漁於海將入死之其御止之曰君無道聞於天下不可死也申蒯曰安得

食亂君之祿而死治君之事乎及門門者止之申蒯曰汝疑我乎吾與汝臂乃斷左臂以與門者以示崔杼崔

杼陳八列令其入申劓拔劍呼天
鬪殺七列未及崔子二列而死之

陳不占齊人也崔氏之亂不占聞君之難將赴之比去
飡則失匕上車失式御者曰怯如是去之益乎不占曰
死君之義公也無勇私也不以私害公遂往聞戰鬪之
聲恐駭而死人曰不占可謂仁者之勇矣

申鮮虞齊莊公近臣也崔氏之亂鮮虞奔魯僕賃于野
以喪莊公

袁克陳侯嬖人之貴者魯昭公八年四月陳侯溺卒九

月楚公子棄疾帥師奉孫吳圍陳

孫吳悼太子偃師之子惠公也

十一

月壬午滅陳

壬午十月十八日言十一月誤也

克殺馬毀玉以葬

欲以非禮

厚葬哀公楚人將殺之請寘之

寘馬玉

既又請私

私盡君私恩

私於

幄加絰於顙而逃

幄帳也逃不欲為楚臣也

夙沙釐鼓子之臣也魯昭公十五年晉中行伯既克鼓

以鼓子宛支來令鼓人各復其所非察勿從夙沙釐以

其孥行軍吏執之辭曰我君是事非事土也名曰君臣

豈曰土臣今君實遷臣何賴於鼓穆子召之曰鼓有君

矣爾正事君吾定而爵祿對曰臣委質于翟之鼓未委質于晉之鼓也臣聞之委質為臣無有貳心委質而策死古之法也君有烈名臣無畔質敢即私利以煩司寇而亂舊法其若不虞何穆子歎而謂其左右曰吾何德之務而有是臣也乃使行既獻言於頃公與鼓子田于河陰使風沙釐相之

申亥楚芊尹無宇之子也魯昭公十三年楚靈王聞羣

公子之死也汧夏將欲入鄆

夏漢別名順流為汧順漢水南至鄆

申亥曰

吾父再奸王命

謂斷王旌執人于章華宮

王弗誅惠孰大焉君不可

忍惠不可棄吾其從王乃求王遇諸棘闡以歸

棘里名闡門也

厨人濮宋人也魯昭公二十一年宋華氏之亂華登以

吳師救華氏齊烏枝鳴戍宋華登敗宋師宋公欲出

出奔

厨人濮曰吾小人可藉死

可借使死難

而不能送亡君請待

之

請君待復戰決勝負

乃徇曰揚徽者公徒也

徽識也

衆從之公自

陽門見之

見國人皆揚徽睢陽正東門名陽門

下而巡之曰國亡君死二

三子之耻也豈專孤之罪也厨人濮以裳裹首而荷以走

曰得華登矣遂敗華氏於新里

新里華氏所取邑

諸梁楚葉公也楚令尹子西將召白公葉公止之不從及白公之亂子西子期死葉公聞之曰吾怨其棄吾言而德其治楚國之能平均以復先王之業者夫子也以小怨棄大德吾不義也將入殺之帥方城之外以入殺白公而定王室葬二子之族

王孫由于楚大夫魯定公四年吳伐楚入郢楚昭王濟江入于夢中

入于雲夢澤中所謂江南之夢

王寢盜攻之以戈擊王由

于以背受之中肩王奔鄖由于徐蘇而從以背受戈故當時悶絕

子西楚令尹也吳伐楚楚昭王奔隨王之在隨也子西

為王車服以保路國于脾洩脾洩楚邑也失王則恐國人潰散故偽為王車服立

國脾洩以保安道路之人聞王所在而後從王王使由于城麋於麋築城

復命子西問高厚焉弗知子西曰不能如辭言自知不能當辭勿

行城不知高厚小大何知對曰固辭不能子使余也人

各有能有不能王遇盜于雲中余受其戈其所猶在袒

而示之背曰此余所能也脾洩之事余亦弗能也

鄭公辛楚鬪辛也吳伐楚楚敗鄭公辛之弟懷將弑昭

王曰平王殺吾父吾殺其子不亦可乎

辛蔓成然之子也昭公十四年

楚平王殺成然

辛曰君討臣誰敢讎之君命天也若死天命將

誰讎詩曰柔亦不茹剛亦不吐不侮矜寡不畏彊禦惟

仁者能之

言不辟強陵弱

違強陵弱非勇也乘人之約非仁也

滅宗廢祀非孝也

弑君罪應滅宗

動無令名非知也必犯是余

將殺女鬪辛與其弟巢以王奔隨

子期楚昭王兄公子結也昭王奔隨吳人從之謂隨人

曰周之子孫在漢川者楚實盡之天誘其衷致罰於楚

而君又竄之

竄匿也

周室何罪君若顧報周室施及寡人

以獎天衷

獎成也

君之惠也漢陽之田君實有之楚子在

公宮之北

隨公宮也

吳人在其南子期似王逃王而已為王

曰以我與之王必免隨人卜與之不吉乃辭吳曰以隨

之僻小而密邇於楚楚實存之世有盟誓至於今未改

若難而棄之何以事君執事之患不惟一人

一人楚王也

若

鳩楚竟敢不聽命吳人乃退

鳩安集也

申包胥楚人也吳敗楚兵于柘舉遂入郢昭王出亡在隨申包胥不受命而赴于秦乞師曰吳為無道行封豕長蛇以蠶食天下從上國始於楚寡君失社稷越在草莽使下臣告急曰吳夷狄之求無饜滅楚則西與君接竟若鄰于君君疆場之患也逮吳之未定君其圖之若得君之靈存撫楚國世以事君秦伯使辭焉曰寡人聞命矣子其就館將圖而告子對曰寡君越在草茅未獲所休下臣何敢即安依於庭牆立哭日夜不絕聲水漿

不入口七日七夜秦哀公為賦無衣之詩兵出包胥九
頓首而坐秦哀公曰楚有臣若此而亡吾無臣若此吾
亡無日矣於是乃出師救楚申包胥以秦師至楚秦大
夫子蒲子虎率車五百乘子蒲曰吾未知吳道使楚人
先與吳人戰而會之大敗吳師吳師既退昭王復國而
賞始於包胥包胥曰輔君安國非為身也救急除害非
為名也功成而受賞是賣勇也君既定矣又何求焉遂
逃賞終身不見

棼冒勃蘇楚人也吳入郢棼冒勃蘇羸糧潛行十日而薄秦朝鶴立不轉晝吟宵泣七日不得告水漿不入於口秦王聞而走之冠劍不相及左奉其首右濡其口於是秦救楚退吳師復楚

茅夷鴻邾大夫也季康子伐邾以邾子益來獻於亳社邾夷鴻以束帛乘韋自請救於吳

無君命故言自也

曰魯弱晉

而遠吳憑恃其衆

也憑依

而背君之盟辟君之執事

也辟陋

以陵我小國邾非敢自愛也懼君威之不立小國之憂

也若夏盟於鄆

鄆行即鄆也

秋而背之成求其不違

言魯成其

所求無違也

四方諸侯其何以事君且魯賦八百乘君之貳

也

貳敵也魯以八百乘之賦貢于吳言其國大也

邾賦六百乘君之私也

為私屬

以私奉貳惟君圖之吳子從之

明年吳伐魯

子閻楚公子也魯哀公六年七月楚子在城父將救陳

卜戰不吉卜退不吉王曰然則死也再敗楚師不如死

前已敗于柘舉今若退還亦是敗

棄盟逃讎亦不如死死一也其死讎

乎命公子申為王不可則命公子結亦不可則命公子

啟

中子西結子期啟子間皆昭王之兄

五辭而後許將戰王有疾庚寅昭

王攻大冥卒於城父

大冥陳地吳師所在

子間退曰君王舍其子

而讓羣臣敢忘君乎從君之命順也

從命許立

立君之子亦

順也二順不可失也與子西子期謀潛師閉塗逆越女

之子章立之而後還

潛師密發也閉塗不通外使也越女昭王妾章惠王也

公山不狃魯人奔吳魯哀公八年吳為邾故將伐魯問

於叔孫輒

問可伐否輒亦故魯人

叔孫輒對曰魯有名而無情

有大

國之名無情實伐之必得志焉退而告公山不狃公山不狃曰

非禮也君子違不適讎國

違奔亡也

未臣而有伐之奔命焉

死之可也

未臣所適之國若有伐本國者則可還奔命死其難

所託也則隱

曾所因託

則為之隱惡

且夫人之行也不以所惡廢鄉

不以其私怨惡廢棄其鄉黨之

好今子以小惡而欲覆宗國不亦難乎

輒公族故謂之宗國

若使

子率子必辭王將使我子張病之

子張輒也

王問於子洩

子洩

不對曰魯雖無與立

緩時若無能自立

必有與斃

急則人人知懼皆將同死

戰諸侯將救之未可以得志焉晉與齊楚輔之是四讎

也

與魯而四

夫魯齊晉之唇唇亡齒寒君所知也不救何為

三月吳伐我子洩率故道險從武城故由險道欲使魯成備

孔子魯人也哀公十四年齊陳成子弑簡公孔子沐浴

而朝告於哀公曰陳常弑其君請討之將告君故先齊齊必沐浴公

曰告夫三子謂三卿孔子曰以吾從大夫之後不敢不告

也君曰告夫三子者我禮當告君不當告三子君使我在故復往告之三子告

不可孔子曰以吾從大夫之後不敢不告也孔子由君命之三子

告不可故復以此辭語之而止

仲由字子路卞人也哀公十五年齊陳瓘如楚瓘陳恒之兄子

也玉過衛仲由見之曰天或者以陳氏為斧斤既斷喪公

室而他人有之不可知也其使終饗之亦不可知也受饗

也若善魯以待時不亦可乎何必惡焉仲由事孔子故為魯言子

玉曰然吾受命矣子使告吾弟弟成子也冬及齊平子服景

伯如齊子贛為介見公孫成公孫成成宰公孫宿也曰人皆臣人

而有背人之心况齊人雖為子役其有不貳乎言子叛魯齊人

亦將叛子也子周公之孫也多饗大利猶思不義利不可得

而喪宗國將焉用之喪宗國謂以邑入齊使魯有危亡之禍也成子曰善哉

吾不蚤聞命

傳言仲尼之徒皆忠于魯國

慶忌吳公子也魯哀公二十年慶忌驟諫吳子曰不改

必亡弗聽

吳子弗聽

出居于艾

艾吳邑豫章有艾縣

遂適楚聞越將伐

吳冬請歸平越遂歸欲除不忠者以說于越吳人殺之

城北餘子由基者魯人也佛肸以中牟縣叛設祿邑炊

鼎曰與我者受邑不與我者烹中牟之士皆與之由基

獨後至祛衣將入鼎曰由基之義軒冕在前非義不乘

斧鉞於後義死不避遂祛衣將入鼎佛肸止之趙簡子

屠中年得而取之論有功者用由基為始基曰吾聞廉士不恥人如此受中年之功則中年之士終身慙矣遂襁負其母南徙於楚楚王高其義待以司馬

申鳴者楚士也治園以養其母孝聞於楚國王欲授之相申鳴辭不受其父曰王欲相汝汝何不受乎申鳴對曰捨父之孝子而為王之忠臣何也其父曰使其祿於國立義於庭汝樂吾無憂矣吾欲汝之相也申鳴曰諾遂入朝楚王因授之相居三年白公為亂殺司馬子期

申鳴將往死之父止之曰棄父而死其可乎申鳴曰聞
夫士者身歸於君而祿歸於親今去父事君得無死於
難乎遂辭而往因以兵圍之白公謂石乞曰申鳴者天
下之孝子也子往劫其父以兵申鳴聞之必來與之
語白公曰善則往取其父持之以兵告申鳴曰子與吾
吾與子分楚國子不與吾子父則死矣申鳴流涕而應
之曰始吾父之孝子也今吾君之忠臣也吾聞之也食
其食者死其事受其祿者畢其能今吾已不得為孝子

矣乃君之忠臣也吾何得以全身援桴鼓之遂殺白公其父亦死王賞之百斤金申鳴曰食君之食避君之難非忠臣也定君之國殺臣之父非孝也名不可兩立行不可兩全也如是而生何面目立於天下遂自殺

莊善楚人也惠王有白公之難莊善辭其母將往死之其母曰棄其親而死其君可謂義乎莊善曰吾聞事君者內其祿而外其身今所謂養母者君之祿也身安得無死乎遂辭而行比至公門三廢車中其僕曰子懼矣

曰懼曰既懼何不返莊善曰懼者吾私也死義吾公也
吾聞君子不以私害公及公門刎頸而死君子曰好義
乎哉

屈盧楚人也楚白公勝將殺惠王王出亡令尹司馬皆
死復拔劍而屬之于屈盧曰子與我將舍子不與我將
殺子屈盧曰詩有之曰莫莫葛藟延於條枚愷悌君子
求福不回今子殺子叔父而求福於盧也可乎且吾聞
之知命之士見利不動臨難則死是謂人臣之禮故上

知天命下知臣道其有可劫乎子胡不推之白公勝乃入其劍焉

石他人齊人也陳恒弑簡公而盟者皆完其家不盟即殺之石他人曰昔之事其君者皆得其君而事之今謂他人曰舍而君而事我他人不能雖然不盟則殺父母也從而盟是無君臣之禮也生於亂世不得正行劫於暴上不得道義故雖盟必以父母之死不如退而自殺以禮其君乃自殺

子淵捷齊人也陳恒弑君使勇士六人劫之子淵捷曰
子之欲與我以我為知乎臣弑君非知也以我為仁乎
見利而倍君非仁也以我為勇乎劫我以兵懼而與子
非勇也使吾無此三者與何補於子若有此三者終不
從子矣乃舍之

孔伋字子思孔子孫也居於衛衛有齊寇或曰寇至盍
去諸子思曰如伋去君誰與守

王孫賈年十五事齊閔王王出走失王之處王孫賈乃

入市中曰淖齒亂齊國殺閔王欲與我誅者袒右市人從者四百人與之誅淖齒刺而殺之

王蠋齊畫邑人

齊西南近畫音獲

燕之初入齊聞蠋賢令軍中

曰環畫邑三十里無入以王蠋之故已而使人謂蠋曰齊人多高子之義吾以子為將封子萬家蠋固謝燕人曰子不聽吾引三軍而屠畫邑王蠋曰忠臣不事二君烈女不更二夫齊王不聽吾諫故退而耕於野國既破亡吾不能存今又劫之以兵為君將是助桀為暴也與

其生而無義固不如烹遂經其頸于樹枝自奮絕脰而死齊亡大夫聞之曰王蠋布衣義不北面於燕况在位之食祿者乎乃相聚如莒求諸子立為哀王

縮高秦安陵人其子為管守魏攻管不下信陵君使人謂安陵君曰其遣縮高吾將仕之以五大夫使為持節尉安陵君曰安陵小國也不能必使其民使者自往請使使道使者至謂縮高曰將使高為將縮高曰君之幸高也將使高攻管也夫以父攻子宗人大笑也見臣而

下是倍主也父教子倍亦非君之所喜也敢再拜辭使
者以報信陵君信陵君大怒遣大使之安陵曰安陵之
地亦猶魏也今吾攻管而不下則秦兵及我社稷必危
矣願君之生束縮高而致之若君弗致也無忌將發十
萬之師以造安陵之城安陵君曰吾先君成侯受詔襄
王以守此地手受太府之憲憲之上篇曰子殺父臣弑
君有恒不赦國雖大赦降城亡子不得與焉縮高辭大
位以全父子之義而君曰必生致之是使我負襄王詔

而廢太府之憲也雖死終不敢行縮高聞之曰信陵君
為人悍而自用此辭反必為國禍吾已全已之為人臣
之義矣豈可使吾君有魏患也乃之使者之舍刎頸而
死信陵君聞縮高死素服辟舍使使者謝安陵君曰無
忌小人也困於思慮失言於君敢再拜釋罪

樂毅為燕將去燕之趙趙王欲圖燕毅泣曰臣事昭王
猶事大王若獲戾在於他國終身不敢謀趙之徒隸况
燕昭王後嗣乎

李同趙邯鄲傳舍吏子也秦圍邯鄲急且降平原君甚
患之同說平原君曰君不憂趙亡耶平原君曰趙亡則
朕為虜何為不憂乎同曰邯鄲之民炊骨易子而食可
謂急矣而君之後宮以百數婢妾被綺縠餘梁肉而民
褐衣不完糟糠不厭民困兵盡或剡木為矛矢而君噐
物鐘磬自若使秦破趙君安得有此使趙得全君何患
無有今君誠能令夫人以下編於士卒之間分功而作
家之所有盡散以饗士方其危苦之時易德耳於是平

原君遂從之得敢死士三千人李同遂與三千人赴秦
軍秦軍為之却三十里亦會楚魏救至秦兵遂罷邯鄲

復存李同戰死封其父為李侯

申公子培荆大夫也荆莊哀王獵於雲夢

荆莊哀王考
烈王之子在

春秋後雲夢楚澤也
今在南郡華容縣

射隨兇中之申公子培劫王而率

之

隨兇惡獸申公子培申邑宰也楚僭稱王邑
宰稱公也殺隨兇者凶故劫奪王受殃也

王曰何

其暴而不敬也命吏誅之

下陵其上謂之暴
誅之誅子培也

左右大夫

進諫曰子培賢者也又為王百倍之臣此必有故願王

察之也

子培之賢百倍于人必有所為也故願王察之

不出三月子培疾而死

為代王殺隨

荆與晉師戰于兩棠大勝晉

兩棠地名也荆克晉負故

兇故死也

曰大歸而賞有功者申公培之弟請賞于吏曰人之有功也於軍旅臣之兄有功也於車下

于王車下奪王隨兇所以代王死臣

之兄是有功也

王曰何謂也對曰臣之兄犯暴不敬之名觸死

亡之罪於王之側其愚心將以忠於君王之身而持千

歲之壽

忠猶愛也持猶得也忠愛君王犯奪隨兇是代君受死亡之疾使君王得千歲之壽也

臣

之兄嘗讀古記曰殺隨兇者不出三月

古記古書也三月必死故曰不

出是以臣之凡驚懼而爭之驚懼王壽之長故與王爭隨兇而奪王也故

伏其罪而死罪殃也王令人發平府而視之於古記果不

乃厚賞之平府府名也賞之賞子培之地

黃歇楚人事頃襄王頃襄王使歇與太子完入質於秦

秦留之數年楚頃襄王病太子不得歸而楚太子與秦

相應侯善於是黃歇乃說應侯曰相國誠善楚太子乎

應侯曰然歇曰今楚王恐不起疾秦不如歸其太子太

子得立其事秦必重而德相國無窮是親與國而得儲

萬乘也若不歸則咸陽一布衣耳楚更立太子必不事秦夫失與國而絕萬乘之和非計也願相國熟慮之應侯以聞秦王曰令楚太子之傅先往問楚王之疾返而後圖之黃歇為楚太子計曰秦之留太子也欲以求利也今太子立未能有以利秦也歇憂之甚而陽文君子二人在中王若卒大命太子不在陽文君子必立為後太子不得奉宗廟矣不如亡秦與使者俱出臣請止以死當之楚太子因變衣服為楚使者御以出關而黃歇

守舍常為謝病度太子已遠秦不能追歇乃言秦昭王
曰楚太子已歸出遠矣歇當死願賜死昭王大怒欲聽
其自殺也應侯曰歇為人臣出身以徇其主太子立必
用歇故不如無罪而歸之以親楚秦因遣黃歇歸歇至
楚三月頃襄王卒太子完立是為考烈王

冊府元龜卷七百三十九

欽定四庫全書

冊府元龜卷七百四十

宋 王欽若等撰

陪臣部

規諷

百王以下皆有父兄子弟以補察其政至於瞽史百工亦得獻規而納誨矧內參家陪之列居卿佐之任者乎春秋之世逮於戰國其間挺公正之操懷忠謹之節或引經據古援事取譬弼違箴闕以貢乎謹言拂心逆耳

以救乎失德非惟官守言責之使然也至或農夫漁者
樂正膳宰亦能有犯無隱罄其誠心原乎進不圖寵動
非徼福以愛君利國為念雖蒙恥觸禍而靡憚自非蹇
蹇匪躬之子坦坦履道之士亦惡能及是者哉故獻可
替否所以濟其美改過從善所以成其德詩云彼己之
子邦之司直盖神明之介福焉

石碯為衛大夫衛莊公夫人無子公子州吁嬖人之子
也嬖親幸也有寵而好兵公弗禁莊姜惡之石碯諫曰臣聞

愛子教之以義方弗納於邪驕奢淫佚所自邪也四者

之來寵祿過也將立州吁乃定之矣若猶未也階之為

禍

將立為太子則宜早定若不早定州吁必緣而為禍

夫罷而不驕驕而能降降

而不憾憾而能矜者鮮矣

如此言少也降其身則必憾憾則思亂不能自安自重

且夫賤妨貴少陵長遠間親新間舊小加大

小國而加兵于大國

如息侯伐鄭之比

淫破義所謂六逆也君義臣行父慈子孝兄

愛弟敬所謂六順也

臣行君之義

去順效逆所以速禍也君

人者將禍是務去而速之無乃不可乎

臧僖伯魯大夫魯隱公將如棠觀魚者臧僖伯諫曰凡

物不足以講大事

大事祀與戎也

其材不足以備器用則君不

舉焉

材謂皮革齒牙骨角毛羽也

君將納民於軌物者也故講事以

度軌量謂之軌取材以章物采謂之物不軌不物謂之

亂政亂政亟行所以敗也故春蒐夏苗秋獮冬狩蒐索

不孕者苗為苗除害也獮殺也以殺為名順秋皆於農

隙以講事也各隨時三年而治兵入而振旅雖四時講武猶復三

年而大習出曰治兵始治其事入曰振旅治兵禮畢整衆而還振整也旅衆也歸而飲至以數

許五父諫曰親仁善鄰國之寶也君其許鄭陳侯曰宋

衛實難

畏難也

鄭何能為遂不許

臧哀伯魯大夫僖伯之子也魯桓公取郟大鼎於宋納

于太廟

宋華督弑瑤公以郟大鼎賂魯也

臧哀伯諫曰君人者將昭德

塞違以臨炤百官猶懼或失之故昭令德以示子孫是

以清廟茅屋

以茅飾屋著儉也清廟肅然清淨之稱

大路越席

大路玉路祀天車也

越席結草

大羹不致

大羹肉汁不致五味

粢食不鑿

黍稷曰粢不精鑿

昭其儉

也此四者皆示儉

衮冕黻珽

衮畫衣也冕冠也黻韋鞞以蔽膝也珽玉笏也若令吏之持簿帶

裳幅

帶革帶也衣下曰裳幅若今行膝者烏復履

衡紃紃

衡維持冠者紃冠之垂者

也紃纓從下而上者紃冠上覆

昭其度也

尊卑各有制度

藻率鞞

藻率以鞞為之所以

藉玉也王五米公侯伯三米子男二米鞞佩刀猶上飾鞞下飾鞞厲旂纓

鞞厲旂纓

鞞紳帶也一名大帶厲大

帶之垂者游旌旗之游纓在馬膺前如索帶者

昭其數也

尊卑各有數

火龍黼黻

火

火也龍畫龍也白與黑謂之黼若斧形黑與青謂之黻兩已相戾

昭其文也

以文章明貴賤

五

色比象昭其物也

車服器械之有五色皆以比象天地四方以示器物不虛設

錫鸞

和鈴昭其聲也

錫在馬額鸞在鑣和在衡鈴在旂動皆有鳴聲

三辰旂旗昭其

明也

三辰日月星也畫于旂旗象天之明

夫德儉而有度登降有數

登降謂上

下尊

甲 文物以紀之聲明以發之以臨炤百官百官於是

乎戒懼而不敢易紀律今滅德立違

謂立華督
違命之臣

而置其

賂器於太廟以明示百官百官象之其又何誅焉國家

之敗由官邪也官之失德寵賂章也郟鼎在廟章孰甚

焉武王克商遷九鼎于維邑

九鼎殷所受夏九鼎也武
王克商乃營維邑而後去

之又遷九鼎焉時但營維邑未有都城至周公乃卒營

維邑謂之王城即今河南城也故傳曰成王定鼎于郊

郟義士猶或非之

蓋伯夷
之屬

而况將昭違亂之賂器於太

廟其若之何公不聽周內史聞之曰臧孫達其有後於

魯乎君違不忘諫之以德

季梁隨賢臣也楚武王侵隨使遠章求成焉遠章楚大夫軍

於瑕以待之瑕隨地隨人使少師董成少師隨大夫董正也鬬伯比

言於楚子曰吾不得志于漢東也我則使然鬬伯比楚大夫令尹

子文之父我張吾三軍而被吾甲兵以武臨之彼則懼而協

以謀我故難間也漢東之國隨為大隨張必棄小國張自

侈大也小國離楚之利也少師侈請羸師以張之羸弱也熊

率且比曰季梁在何益熊率且比楚大夫鬬伯比曰以為後圖

少師得其君

言季梁之諫不過一見從隨侯卒當以少師為計故云以為後圖

王毀軍

而納少師

從伯比之言

少師歸請追楚師隨侯將許之

信楚弱也

季梁止之曰天方授楚楚之羸其誘我也君何急焉臣

聞小之能敵大也小道大淫所謂道忠於民而信於神

也上思利民忠也祝史正辭信也

正辭不虛稱君美

今民餒而

君逞欲

逞快也

祝史矯舉以祭臣不知其可也

詐稱功德以欺鬼神

公曰吾牲牷肥腍粢盛豐備何則不信

牲牛羊豕牲純色完全也腍亦

肥也黍稷曰粢在器曰盛

對曰夫民神之主也

言鬼神之情依民而行

是以聖

王先成民而後致力於神故奉牲以告曰博碩肥膾謂

民力之普存也

博廣也碩大也

謂其畜之碩大蕃滋也謂其不

疾瘕蠱也謂其備脂咸有也

雖告神以博碩肥膾其實皆當兼此四謂謂民力適

完則六畜既大而滋也皮毛無疥癬兼備而無有所闕

奉盛以告曰潔粢豐盛謂

其三時不害而民和年豐也

三時春夏秋

奉酒醴以告曰嘉

栗旨酒

嘉善也栗謹敬也

謂其上下皆有嘉德而無違心也所

謂馨香無譏慝也

馨香之遠聞

故務其三時修其五教

父義母慈

兄友弟親其九族以致其禋祀

禋潔敬也九族謂外祖父外祖母從母子及妻

父妻母姑之子姊妹之子女子之子
并己之同族皆外親有服而異族者
於是乎民和而神

降之福故動則有成今民各有心而鬼神之主
民饑餒也君

雖獨豐其何福之有君姑修政而親兄弟之國庶免於
難隨侯懼而修政楚不敢伐

曹劌為魯大夫魯莊公如齊觀社
二十三年齊因祀社蒐軍實以示客公往

觀之曹劌諫曰不可夫禮所以正民也是故先王制諸侯

使五年四王壹相朝也
王謂王事天子也五年之間四聘於王而一相朝相朝者將朝

天子先終則講於會以正班爵之義
終畢講習班次也謂朝畢則習禮於

會以正爵位次
序尊卑之義也

夫齊棄太公之法而觀民於社

太公齊始祖太

公君為是舉而往觀之

舉舉動也

非故業也

業

何以訓民土

發而社助時也

土發春分周語曰土方脉發社者助時祈福為農始

收攬而烝納

要也

攬拾也冬祭曰烝因祭祀以納五穀之要休農夫也月令孟冬祀于天宗大祀公社及門閭

今

齊社而往觀旅非先王之訓也

旅

天子祀上帝

上帝天也

諸

侯會之受命焉

助祭受君命

諸侯祀先王先公

先王謂若宋

祖帝乙鄭祖

厲王之屬先公先君

卿大夫佐之受事焉

事職事也

臣不聞諸侯之相

會祀也祀又不法

不法謂觀民

君舉必書書而不法後嗣何

觀不聽遂如齊

一云莊公如齊觀社曹劌諫曰不可夫禮所以整民也故會以訓上下之則制

財用之節朝以正班爵之義帥長幼之序征伐以討其不庭諸侯有王王有巡狩以大習之非是君不舉矣故君舉必書書而不法後嗣何觀

御孫慶為魯掌匠大夫魯莊公丹桓宮之楹而刻其桷

桓宮桓公廟也楹柱也莊公娶于齊曰哀姜哀姜將至當見于廟故丹柱刻楹以誇之也匠師慶言

於公曰臣聞聖王公之先封者謂若湯武周公太公遺後人之法

今先君儉而君侈之先君桓公令德替矣替減公曰吾屬欲美

之屬適也適欲自美之非先君之意對曰無益於君而替前之令德臣

故曰庶可以已乎

已公弗聽

一云莊公丹桓宮之楹又

刻桓宮楹御孫諫曰臣聞

之儉德之共也侈惡之大也先君有共德而君納諸大惡無乃不可乎

哀姜至公使宗婦覲用幣非禮也御孫曰男贄大者玉

帛

公侯伯子男執玉諸侯世子附庸孤卿執帛

小者禽獸

卿執羔大夫執雁士執雉

以章

物也

章所執之物以別貴賤

女贄不過榛栗棗修以告虔也

榛小栗也

修脯虔敬也皆取其名以示敬也

今男女同贄是無別也男女之別國

之大節也而由夫人亂之無乃不可乎

夏父展魯宗人也

宗人宗伯主男女贄幣之禮

哀姜至公使大夫宗

婦覲用幣

宗婦同宗大夫之婦覲見也見夫人也用幣與大夫同贄

夏父展曰非故

也公曰君作故

言君所作則為故事

展對曰君作而順則故之

順

于禮則書為故事

逆則亦書其逆也臣從有司懼逆之書於後

也故不敢不告

從有司言備位隨從有司後行

夫婦贄不過棗栗以告

虔也

棗取蚤起栗取敬栗虔敬也曲禮婦人之贄脯修棗栗也

男則玉帛禽獸以章

物也

公執桓圭侯執信圭伯執躬圭子執穀璧男執蒲璧孤執皮帛卿執羔大夫執雁士執雉庶人執鶩

工商執雞章明也明尊卑異物

今婦執幣是男女無別也男女之別國

之大節也不可無也公弗聽

管仲為齊大夫齊桓公會魯莊公于柯

魯莊公十三年

曹沫劫

盟桓公桓公乃許盡歸魯之地既而桓公怒欲倍其約

管仲曰不可夫貪小利以自快棄信於諸侯失天下之

援不如與之于是桓公乃遂割魯侵地曹沫三戰所亡地

盡復于魯桓公盟于甯母謀鄭故也管仲言於齊侯曰臣

聞之招攜以禮懷遠以德

攜離也

德禮不易無人不懷齊侯

修禮於諸侯諸侯官受方物

諸侯官司各於齊受其方所當貢天子之物

鄭

伯使太子華聽命於會言於齊侯曰洩氏孔氏子人氏

三族實違君命

三族鄭大夫

君若去之以為成我以鄭為內

臣君亦無所不利焉

以鄭事齊如封內臣

齊侯將許之管仲曰君

以禮與信屬諸侯而以姦終之無乃不可乎子父不奸

之謂禮守命共時之謂信

守君命共時事

違此二者姦莫大焉

公曰諸侯有討於鄭未捷今苟有釁從之不亦可乎

子華

犯父命是其釁

對曰君若綏之以德加之以訓辭而帥諸侯

以討鄭鄭將覆亡之不暇豈敢不懼若總其罪人以臨

之

總將領也子華奸父之命即罪人

鄭有辭矣何懼

以大義為辭

且夫合諸

侯以崇德也會而列姦何以示後嗣

列姦用子華

夫諸侯之會

其德刑禮義無國不記記姦之位

位會位也子華為姦人而列在會位將為

諸侯所記君盟替矣

替廢也

作而不記非盛德也

君舉必書雖復齊史隱諱

亦損盛德

君其勿許鄭必受盟夫子華既為太子而求介於

大國以弱其國亦不免也

介因也

鄭有叔詹堵叔師叔三良

為政未可間也齊侯辭焉子華由是得罪於鄭鄭伯使

請盟於齊桓公既霸會諸侯於葵丘而欲封禪

魯僖公九年葵

丘在陳留外黃縣禪音上載反

管仲曰古者封泰山禪梁父者七十二

家

父音甫

而夷吾所記者十有二焉昔無懷氏封泰山禪

云云

無懷古之王者在伏羲前見莊子云云山在蒙陰縣故城東北下有云云亭

慮羲封泰

山禪云云

慮讀曰伏

神農氏封泰山禪云云炎帝封泰山禪

云云

炎帝神農後

黃帝封泰山禪亭亭

鉅平有亭亭山

顓頊封泰山

禪云云帝嚳封泰山禪云云堯封泰山禪云云舜封泰

山禪云云禹封泰山禪會稽湯封泰山禪云云周成王

封泰山禪社首

在鉅平南十三里

皆受命然後得封禪桓公曰

寡人北伐山戎過孤竹

伯夷國也在遼西今支令音郎定反支音神祇之祇

西伐

束馬縣車上卑耳之山

將上山纏束其馬縣釣其車
世卑耳即齊語所謂辟耳

南

伐至召陵

召陵地也在汝
南召讀曰劭

登熊耳山以望江漢

熊耳山
在順陽

北益陰縣東北禹貢所云導雒自熊耳
者也其山兩峯狀若熊耳因以為名也

兵車之會三乘

車之會六九合諸侯一匡天下

兵車之會三謂莊十二
年會於北杏以平宗亂

僖四年侵蔡蔡潰遂伐楚次于涇六年伐鄭圍新城也
乘車之會六謂莊十四年會于鄆十五年會于鄆十六
年同盟于幽僖五年會于首止八年盟于洮九年會于
葵丘也一匡天下謂定襄王為天子之位也一說謂陽
穀之會令諸侯云無鄆谷無貯粟無
以妾為妻天下皆從故云一正也

諸侯莫違我昔三

代受命亦何以異乎於是管仲睹桓公不可窮以辭因

設之以事曰古之封禪部上之泰北里之禾所以為盛

部音臙部上北里皆地名也盛謂以實籩簋江淮之間一茅三脊所以為藉

也茅草有三脊也謂靈茅也爾雅云藉以藉地藉音才夜反東海致比目之魚爾雅云東方有

比目魚言不比不行其名謂之鱠音土盍反西海有比翼之鳥山海經云崇吾之山有鳥

狀如鳧而一翼一目相得乃飛其名曰鸞爾雅云南方有比翼鳥焉不比不飛其名謂之鸛鶴而管仲乃云西

海其說異也然後物有不召而至者十有五焉今鳳凰麒麟

不至嘉禾不生而蓬蒿藜莠茂鳩梟羣翔蓬蒿藜莠皆穢惡之草梟

不祥之鳥也鳴蓋今所謂角鳴也梟土梟也而欲封禪無乃不可乎於是桓

公乃止葵丘之會天子使宰孔賜桓公文武胙且曰謂爾伯舅無下拜桓公召管子謀對曰為君不君為臣不臣亂之本也桓公懼出見客又桓公問管仲曰寡人願聞國君之信對曰民愛之鄰國親之天下信之此國君之信公曰善請問信安始而可對曰始于為身中于為國成于為天下公曰請問為身對曰道血氣以求長心長德

長心謂謀慮速長德謂恩施廣

此為身也公曰請問為國對曰遠

舉賢人慈愛百姓外存亡國繼絕世起諸孤

孤謂死王事者子孫

薄稅歛輕刑罰此為國之大禮也法行而不苛刑廉而

不赦有司寬而不陵

不虐憚獨

苑濁困滯皆法度不亡

苑濁謂穢

塞不潔清者也困滯謂疲羸微隱者也有如此者此皆以法度加之不令有所失也

往行不來而

民游世矣

其行法度者但往行而進不却來而退而人以此自得行于世也

此為天下

也又桓公之時宋伐杞狄伐邢衛桓公不救裸體紐胃

稱疾

紐摩也自摩其胸若有所痛患也

召管仲曰寡人有千歲之食而

無百歲之壽今有疾病姑樂乎管子曰諾於是令人懸

鐘磬之裝

裝可以嚴飾之

陳歌舞等瑟之樂日殺數十牛者數

旬羣臣進諫曰宋伐杞狄伐邢衛君不可不救桓公曰寡人有千歲之食而無百歲之壽今又有疾病姑樂乎且彼非伐寡人之國也伐鄰國也子無事焉宋已取杞狄已拔邢衛矣桓公起行筍簾之間管子從之從至大鐘之西桓公南而立管仲北向對之大鐘鳴桓公視管仲曰樂夫仲父管仲對曰此臣之所謂衰非樂也臣聞之古者之言樂於鐘磬之間者不如此言脫于口而令行乎天下

脫出

在鐘磬之間而無四面兵革之憂今君之

事言脫於口令不得行於天下在鐘磬之間而有四面

兵革之憂此臣所謂哀非樂也桓公曰善於是伐鐘磬

之懸

伐謂折斷

併歌舞之樂也

併除

宮中虛無人

不令人掌守之

桓公

曰寡人已伐鐘磬之縣併歌舞之樂矣請問所始於國

將為何行管子對曰宋伐杞狄伐邢衛而君之不救也

臣請以慶

以不救為是故慶之

臣聞之諸侯爭於強者勿與分於

強

若救三國是分于強

今君何不定三君之處哉

三君既失國當定其君處也

於是桓公曰諾因令以車百乘卒千人以緣陵封杞車

百乘卒千人以夷儀封邢車五百乘卒五千人以楚丘
封衛又桓公問於管仲曰王者何貴曰貴天桓公仰視
天管仲曰所謂天非蒼莽之天也王以百姓為天百姓
與之即安輔之即強非之即危倍之即亡又桓公置酒
令諸侯大夫曰後者飲一經程管仲後當飲一經程飲
其半而棄其半桓公曰仲父當飲一經程而棄之何也
管仲曰臣聞之酒入者舌出舌出者棄其身與其身不
寧寧棄酒乎桓公曰善又桓公出游於野見亡國故城

郭氏之墟問於野人曰是為何墟野人曰是為郭氏之墟桓公曰郭氏者何為為墟野人曰郭氏者善善而惡惡桓公曰善善而惡惡人之善行也其所以為墟者何也野人曰善善而不能行惡惡而不能去是以為墟也桓公歸以語管仲管仲曰其人為誰桓公曰不知也管仲曰君亦一郭氏也於是桓公召野人而賞焉

公子完陳公子也為齊工正飲桓公酒樂

齊桓賢之故就其家會據

主人之辭故公曰以火繼之辭曰臣卜其晝未卜其夜言飲桓公酒

不敢君子曰酒以成禮不繼以淫義也夜飲為淫樂以君成禮弗納於淫仁也

鮑叔為齊大夫齊桓公與管仲鮑叔寧戚飲酒桓公謂鮑叔姑為寡人祝乎鮑叔奉酒而起曰祝吾君無忘其出亡而在莒也使管仲無忘其束縛而從魯也使寧武子無忘其飯牛于車下也桓公辟席而拜曰寡人與二大夫皆無忘夫子之言齊國之社稷必不廢此言嘗思困隘之時必不驕矣

輪扁齊人也桓公讀書於堂輪扁斲輪於堂下釋其椎鑿而問桓公曰君之所讀書者何書也桓公曰聖人之

書輪扁曰其人焉在

問作書之人何在也

桓公曰已死矣輪扁曰

是直聖人之糟粕耳

糟酒滓也粕已漉之精也

桓公勃然作色而怒

曰寡人讀書工人焉得譏之哉有說則可無說則死輪

扁曰然有說臣試以臣之斲輪語之太疾則苦而不入

苦急意也

太徐則甘而不固

甘緩意也

不甘不苦應於手厭於心

而可以至妙者臣不能以教臣之子而臣之子亦不能

得之於臣是以行年六十老而為輪今聖人之所言者亦已懷其實窮而死獨其糟粕在耳

士為為晉大夫晉侯將伐虢士薦曰不可虢公驕若驟得勝於我必棄其民

素民不養之

無衆而後伐之欲禦我誰

與夫禮樂慈愛戰所蓄也夫民讓事樂和愛親哀喪而後

可用也

上之使臣以義讓哀樂為本言不可力屈也

虢弗蓄也亟戰將饑

言虢

不蓄義讓而力戰

里克為晉大夫晉獻公使太子申生伐東山臯落氏

赤狄

別種也。臯落其氏族。

里克諫曰：太子奉冢祀社稷之粢盛。

里克晉大夫冢。

大以朝夕視君膳者也。

膳，厨也。

故曰：冢子君行則守，有守

則從。從曰撫，軍守曰監。國古之制也。夫帥師專行謀，師

帥

者必專謀軍事。

誓軍旅。

宣號今也。

君與國政之所圖也。非太子之事

也。

國政正卿。

師在制命而已。

命者將軍所制。

稟命則不威，專命則不

孝。故君之嗣適不可以帥師，君失其官，帥師不威，將焉

用之？

太子帥師是失其官也。專命則不孝，是為帥必不威也。

且臣聞臯落氏將戰

君，其舍之。公曰：寡人有子，未知其誰立焉，不對而退。

孔叔為鄭大夫楚人伐鄭鄭伯欲成孔叔曰不可齊方

勤我孔叔鄭大夫勤恤其難

棄德不祥

祥善也

齊桓公與諸侯盟王

使周公召鄭伯曰吾撫女以從楚輔之以晉可以少安

周公宰孔也王恨齊桓定太子之位故召鄭伯使叛齊也楚不服于齊故以鎮安鄭也

鄭伯喜於

王命而懼其不朝於齊也故逃歸不盟孔叔止之曰國

君不可以輕輕則失親

親黨援也

失親患必至病而乞盟所

喪多矣君必悔之弗聽逃其師而歸其後諸侯伐鄭孔

叔言於鄭伯曰諺有之曰心則不競何憚於病

競強也憚難也

既不能強又不能弱所以斃也國危矣請下齊以救國

公曰吾知其所由來矣姑少待我

欲以申侯說

對曰朝不及

夕何以待君鄭殺申侯以說於齊

宮之竒為虞大夫魯僖公五年晉獻公復假道于虞以

伐虢宮之竒諫曰虢虞之表也虢亡虞必從之晉不可

啟寇不可翫

翫習也

一之為甚其可再乎

為二年假晉道滅下陽

諺

所謂輔車相依唇亡齒寒者其虞虢之謂也

輔夾輔車牙車

公

曰晉吾宗也豈害我哉對曰太伯虞仲太王之昭也太

伯不從是以不嗣

太伯虞仲皆太王之子不從父命俱讓適吳仲雍之子別封西吳虞公其

後也穆生昭昭生穆以世次計故太伯與虞仲于周為昭

號仲號叔王季之穆也

王季

者太伯虞仲之母弟也號仲號叔文王之母弟也仲叔皆號君字

為文王卿士勲在王

室藏於盟府

盟府司盟之官

將虢是滅何愛於虞且虞能親於

桓莊乎其愛之也桓莊之族何罪而以為戮不惟偏乎

桓叔莊伯之族晉獻公之從祖昆弟獻公患其偏盡殺之

親以寵偏猶尚害之况以

國乎公曰吾享祀豐潔神必據我

據猶安也

對曰臣聞之鬼

神非人實親惟德是依故周書曰皇天無親惟德是輔

周書

又曰黍稷非馨明德惟馨

馨香之遠聞

又曰民不易物

惟德馨物

黍稷牲玉無德則不見享有德則見享言物一而用異

如是則非德民

不和神不享矣神所憑依將在德矣若晉取虞而明德

以薦馨香神其吐之乎弗聽許晉使宮之竒以其族行

行去

曰虞不臘矣

臘歲終祭衆神之名

在此行也晉不更舉矣

不更

舉是年晉滅虢師還館於虞遂襲虞滅之

慶鄭為晉大夫秦饑使乞糴於晉晉人弗與慶鄭曰背

施無親幸災不仁貪愛不祥怒鄰不義四德皆失何以

守國號射曰皮之不存毛將安傅

號射惠公舅也皮以喻所寄秦城毛以喻

韞言既背秦施為怨已深雖與之韞猶無皮而施毛也

慶鄭曰棄信背鄰忠孰恤

之無信患作失援必斃是則然矣號射曰無損於怨而

厚於寇不如勿與

言與秦粟不足解怨適足使秦強

慶鄭曰背施幸災

民所棄也近猶讎之况怨敵乎弗聽退曰君其悔是哉

秦伯伐晉晉惠公乘小駟鄭入也

鄭所獻馬名小駟

慶鄭曰古

者大事必乘其產生其水土而知其人心安其教訓而服習其道惟所納之無不如志今乘異產以從戎事

及懼而變將與人易

變易人意

亂氣狡憤陰血周作張脉僨

興外疆中乾

狡戾也僨動也氣狡僨於外則血脉必周身而作隨氣張動外雖有強形而內實乾

燥進退不可周旋不能君必悔之弗聽

臧文仲為魯大夫魯僖公伐邾取須句邾人以須句故

出師公卑邾不設備而禦之

卑小也

臧文仲曰國無小不

可易也無備雖衆不可恃也詩曰戰戰兢兢如臨深淵

如履薄冰

詩小雅言常戒懼也

又曰敬之敬之天惟顯思

顯明也思猶辭

也命不易哉

周頌言有國宜敬戒天明臨下奉承其命甚難

先王之明德猶無

不難也無不懼也况我小國乎君其無謂邾小蓬蠆有

毒而况國乎弗聽公及邾師戰于升陘我師敗績二十

一年夏大旱公欲焚巫尪

巫尪女巫也主祈祝請雨者或以為尪非巫也瘠病之人

其面上向俗謂天來其病恐雨入其鼻故為之早是以公欲焚之

文仲曰非旱備也修

城郭貶食省用務穡勸分

穡稻也勸分有無相濟也

此其務也巫尪

何為天欲殺之則如勿生若能為旱焚之滋甚公從之

是歲也饑而不害

公子目夷宋司馬子魚也宋人圍曹子魚言於宋公曰

文王聞崇德亂而伐之軍三旬而不降

崇崇侯虎

退修教而

復伐之因壘而降

復往攻之備不改前而崇自降也

詩云刑于寡妻至

于兄弟以御于家邦

詩大雅言文王之教自近及遠寡妻嫡妻謂太姒也刑法也

今

君德無乃猶有所闕而以伐人若之何盍姑內省德乎

無闕而後動

公孫固宋莊公之孫也為大司馬楚人伐宋宋公將戰

固諫曰天之棄商久矣君將興之弗可赦也已

言君興天所棄

必不可不如赦楚勿與戰也

弗聽戰于泓宋師敗績

寧莊子名俞衛大夫也衛文公有邢翟之虞不能禮晉
文公重耳寧莊子言於公曰夫禮國之紀也親民之結
也善德之建也此三者公之所慎也晉公子善人也而
衛親也君不禮焉棄三德矣君其圖之康叔文之昭也
唐叔武之穆也周之大功在武苟姬未絕周室而卑守
天聚者必武族武族惟晉實昌晉裔公子實德晉仍無
道天祚有德晉之守祀必公子也若復而修其德鎮撫
其民必獲諸侯以討無禮君弗蚤圖衛而在討小人是

懼敢不盡心公弗聽

叔詹

詹一作膽

鄭大夫也晉公子重耳過鄭鄭文公不禮焉

叔詹諫曰天之所啟人弗及也晉公子有三焉天其或

者將建諸君其禮焉男女同姓其生不蕃蕃息也晉公子

姬出也而至于今一也

大戎狐姬之子故曰姬出

離外之患

出亡在外而

天不靖晉國殆將啟之二也有三士足以上人而從之

三也

國語云狐偃趙衰賈佗三人皆卿才

晉鄭同儕

儕等也

其過子弟固將

禮焉况天之所啟乎弗聽叔詹曰若不禮焉則請殺之

諺曰黍稷無成不能為榮

稷稷也無成謂死榮秀也

黍不為黍不能

蕃廡

為成蕃滋廡豐也

稷不為稷不能蕃殖

殖長所生不疑惟德

之基

所生謂生黍得黍種稷得稷若不禮重耳則當除之不耳則當宜厚之如此不疑是為得基公

弗聽

胥臣晉大夫晉文公問曰吾欲使陽處父傳讒也而教

誨之其能善乎

陽處父晉太傅陽子也謹文公子襄公名

對曰是在謹也遽

蔭不可使俯

遽蔭直者為疾

戚施不可使仰

戚施屈者

焦僂不可使

舉

焦僂長三尺不能舉重

侏儒不可使援

侏儒短者不能充援

矇矓不可使

視有眸子而無見曰

瞖瘖不可使言

口不道忠信之言為瞖瘖不能言者

聾聵不可使聽

且不別五音之和曰聾生而聾曰聵

僮昏不可使謀

僮無知昏

亂質將善而賢良贊之則濟可矣也

贊導也若有違質

違邪

教將不入

不入其心

其何善之為

言不使臣

臣聞昔者太姒娠文

王不變

娠有身也不變不動也

少洩于豕牢

少不洩便也

而得文王不

加病焉

言易也

文王在母不憂

體不變故不憂

在傅不懃處師弗

煩事王不怒

王謂王季

敬友二虢

善兄弟曰友二虢文王弟虢仲虢叔

而慈惠

二蔡

惠愛也二蔡文王子也管叔初亦為蔡

刑于太姒

刑法也太姒文王妃也

比于

兄弟

比親也兄弟同宗之弟

詩云刑于寡妻至于兄弟以御于家

邦

寡妻寡德之妻謂太妊也御治也

於是乎用四方之賢良

以自輔也

及其

即位也詢于八虞

詢謀也八虞周八士皆在虞官

而咨于二虢

咨謀也

度

于闕天而謀于南宮

皆周賢臣度亦謀也南宮括

諏于蔡原而訪于

辛尹

諏訪皆謀也蔡公原公辛辛甲尹尹佚皆周賢大夫也

重之以周召畢榮

周

文公召召康公畢畢公榮榮公也

億寧百神

億安也

而和柔萬民

柔安也

故

詩曰惠于宗公神罔時恫

惠順也宗公大臣也恫痛也言文王為政咨于臣順而行

之故鬼神無怨恫者也

若是則文王非專教誨之力也

言因公體也

公曰

然則教無益乎對曰胡為文益其質

亦有美質加文采乃善

故人

生而學非學不入

不入不入于道也

公曰柰夫八疾何

蓬蔭至

對曰官師之所材也

師長也材古裁字

戚施直鑄

直主擊者鑄主鐘者

蘧

蔭蒙瓊

蒙載也瓊玉磬不能俯故使擊磬

侏儒扶盧

扶緣也盧矛戟也緣之以為戲也

矇瞍循聲

目無見于音聲則聞使循之

聾聵司火

耳無聞于視則審故使主火

僮

昏嚚瘖僂官師之所不材也

所不能裁用

以實齋土

荒夫

教者因體能質而利之者也

能質性能也

若川然有原以印

浦而後大

印迎也言川已有原因開利迎之以浦然後大也

郭偃晉大夫晉文公問於郭偃曰始也吾以國為易今也難對曰君以為易其難也將至矣君以為難其易也將至矣

以為難而勤修之故其易將至矣

鮒者

史失其名

晉人也晉文公出田逐獸碣入大澤迷不知

所出其中有鮒者文公謂曰我若君也道安從出我且厚賜若鮒者曰臣願有獻文公曰出澤而受之於是遂出澤文公令曰子之所欲以教寡人者何等也願受之鮒者曰鴻鵠保河海之中厭而欲移徙于小澤則必有

繳矰之憂虺鼉保深淵厭而之淺渚則必有羅網釣射之憂今君逐獸碭入至此何行之太遠文公曰善哉謂從者記斂者名斂者曰君何以名為君其尊天事地敬社稷固四國慈愛萬民薄賦歛輕租稅者臣亦與焉君不敬社稷不固四國外失禮於諸侯內逆民心一國流亡斂者雖有厚賜不得保也遂辭不受曰君亟歸國臣亦反吾斂所

冊府元龜卷七百四十